

# 《教觀綱宗》補充講表

◎附表二十：以下糅合《教觀綱宗科釋》、《教觀綱宗釋義》、《天台宗綱要》

○觀行即佛：五品外凡位也。

※《教觀綱宗講錄》云：「前之理即，指一境三諦也。次名字即，能領解諦理，具足三千實相。即指一心三智也。今之觀行即，就以一心三智，觀一境三諦。只此一行，名為圓行，故稱觀行即佛，所以能圓伏五住煩惱。隨喜等，是五品之名耳。四教頌曰：七賢七位藏初機，通教位中一二齊。別信並圓五品位，見思初伏在凡居。別信不能及，故云：大勝。」

※《教觀綱宗科釋》云：「上名字位中，既開圓解，次依圓解以起圓行。境智相應，即名為佛。所謂一念相應一念佛，念念相應念念佛。」

※《大乘止觀法門》云：「心性自清淨，諸法唯一心；此心即眾生，此心菩薩佛。」

※《大乘止觀述記》云：「心者，第六意識，所謂現前一念者是也。性者，空不空如來藏，

所謂性淨明體，隨緣不變者是也。自謂本來。此心雖終日隨緣，

而性淨之體不變，故曰：「本來清淨。」

○故永嘉云：同除四住，此處為齊。若伏無明，三藏則劣也。

※《教觀綱宗科釋》云：「四教行位，雖則不同；而除四住之見思皆同，故云：同除四住。」

此處，指圓七信與前三斷思盡之位齊也。若論伏無明，則三藏為劣，而圓七信為勝。以藏通，不知無明為何物，名尚未聞，無所論伏。別教雖知有無明，而七住止伏塵沙而已。今圓七信不伏而伏，而正伏無明，是則都勝前三。」

○具佛五眼：明佛見圓融也。

※《金剛經講義》云：「舉一佛眼，便攝四眼。今乃一一徧舉四眼而問，皆答云：有者，正

明不執一見也。若四眼皆答無，惟佛眼答有，是獨執一佛眼，豈佛之圓見乎？豈法無我乎？長老深解義趣，通達無我法，故不如是答也。約佛邊言，肉眼、天眼、慧眼、法眼，一一殊勝，合此四眼，即是佛眼。乃復舉佛眼而問，亦答云：有者，正明非四眼外，別有佛眼，非佛眼外，別有四眼。非一一眼外，別有一一眼。」